

ქ. თბილისი

25 იანვარი 2024 წელი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის დიდუბის რაიონის გამგეობა (შემდგომში – შემსყიდველი), ს.კ. 202171167, წარმოდგენილი გამგებლის **ვლადიმერ მნელაძეს** სახით და, მეორეს მხრივ, შპს „შხაპი“, ს.კ. 405092527, მდებარე, ქ. თბილისი, აკ. ბაქრაძის 19 (შემდგომში – მიმწოდებელი), წარმოდგენილი დირექტორის **გიორგი სეთურიძეს** სახით, საქართველოში მოქმედი კანონმდებლობისა და ქალაქ თბილისის მუნიციპალიტეტის დიდუბის რაიონის გამგეობის მიერ გამოცხადებული აუქციონის გარეშე ელექტრონული ტენდერის (NAT230027031) შესაბამისად, ვთანხმდებით და ვდებთ წინამდებარე ხელშეკრულებას შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება

2.1. ხელშეკრულების (შესყიდვის) ობიექტია - ქ. თბილისის მუნიციპალიტეტის დიდუბის რაიონის გამგეობის სარგებლობაში არსებული ავტომანქანების რეცხვის მომსახურების შესყიდვა

2.2. შესყიდვის საშუალება – ელექტრონული ტენდერი აუქციონის გარეშე.

2.3. ელექტრონული ტენდერის განცხადების ნომერი NAT230027031.

2.4. კლასიფიკატორის კოდი - 50100000/ 50112300

2.5. ხელშეკრულების ღირებულება: 11988.00 (თერთმეტი ათას ცხრაას ოთხმოცდარვა ლარი და 00 თეთრი) ლარი.

2.6. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯსა და საქართველოს კანონმდებლობით გათვალისწინებულ გადასახადებს.

3 მიწოდების პირობები, ვადა და ადგილი

3.1 შესყიდვის ობიექტის მიწოდება განხორციელდება სატენდერო დოკუმენტაციის ტექნიკური მოთხოვნების შესაბამისად.

3.2 მომსახურების გაწევის ვადა: **ეტაპობრივად, მომსახურების მიწოდების ვადაა ხელშეკრულების გაფორმებიდან 2024 წლის 31 დეკემბრის ჩათვლით.**

3.3 მიწოდების ადგილი: აკაკი ბაქრაძის ქუჩა N15-ის მიმდებარედ.

3.4 მომსახურების მიწოდება უნდა განხორციელდეს მიმწოდებლის მიერ დამზადებული შესაბამისი მომსახურების დამადასტურებელი საბუთის (ტალონი) მეშვეობით. მომსახურების დამადასტურებელი დოკუმენტი - ტალონი უნდა შეიცავდეს მინიმუმ შემდეგ ინფორმაციას:

- მიმწოდებლის დასახელება;
- გასაწევი მომსახურება;
- ტალონის იდენტიფიცირების ნომერი;
- ავტომანქანის სახეობა (ტიპი).

3.5 ტალონების მიწოდება უნდა განხორციელდეს ეტაპობრივად, შემსყიდველის მოთხოვნიდან არაუგვიანეს 2(ორი) სამუშაო დღის ვადაში, ხოლო რეცხვითი მომსახურების გაწევა, მიმწოდებლის სარგებლობაში არსებულ ავტოსამრეცხაო(ებ)ში, შესყიდველის თანამშრომლების მიერ ტალონების წარდგენისთანავე (ურიგოდ);

3.6 მიმწოდებელმა უნდა უზრუნველყოს სატრანსპორტო საშუალებების, როგორც გარეგანი, ასევე შიდა (სალონის, საბარგული) ნაწილის რეცხვა ხელით, სპეციალური მოწყობილობების, ინვენტარისა და სარეცხი საშუალებების გამოყენებით;

3.7 ავტოსამრეცხაო უზრუნველყოფილი უნდა იყოს მინიმუმ 2(ორი) სამრეცხაო „ბოქსით“.

- 3.8 რეცხვისათვის გამოყენებული უნდა იქნას მაღალი ხარისხის სარეცხი და საწმენდი საშუალებები;
- 3.9 სამრეცხაოს მუშაობის პროცესში შეფერხებ(ებ)ის შემთხვევაში მიმწოდებელი ვალდებულია შემსყიდველს შესთავაზოს მომსახურებისთვის ალტერნატიული ადგილი;
- 3.10 მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

4 ხელშეკრულების მოქმედების ვადა

4.1 ხელშეკრულება ძალაში შედის **ხელშეკრულების გაფორმებისთანავე და მოქმედებს 2025 წლის 31 იანვრამდე.**

5 შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმომადგენელ წინამდებარე ხელშეკრულების მე-6 მუხლის 6.4 პუნქტში მითითებული პირები).
- 5.2. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).
- 5.3. შესყიდვის ობიექტი ან მისი ნაწილი ჩაითვლება მიღებულად მხოლოდ მიღება -ჩაბარების აქტის გაფორმების შემდეგ. ამასთან **მომსახურების (ან მისი ნაწილის) შესრულების თარიღად ჩაითვლება მიღება-ჩაბარების აქტში მითითებული მომსახურების გაწევის დასრულების თარიღი.**

6. ხელშეკრულების შესრულების კონტროლი (ინსპექტირება)

- 6.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და შეამოწმონ მომსახურება, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.
- 6.2. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 6.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებით გაწეული მომსახურების ხელახალი შესრულება.
- 6.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის დიდუბის რაიონის გამგეობის საორგანიზაციო განყოფილების უფროსი თამარ მაისურაძე და ზედამხედველობისა და რეაგირების განყოფილების უფროსი ამირან ბილიხოძე.**

7. ანგარიშსწორება და ანგარიშსწორების ვალუტა

- 7.1. მიმწოდებელთან ანგარიშსწორება განხორციელდება ლარში;
- 7.2. წინასწარი ანგარიშსწორება (ავანსი) გათვალისწინებული არ არის.
- 7.3. ანგარიშსწორება შემსყიდველის მიერ მოხდება 2024 წლის ადგილობრივი ბიუჯეტის სახსრებით, ეტაპობრივად, ფაქტიურად გაწეული მომსახურების შემდეგ, მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში.

7.4. იმ შემთხვევაში, თუ მიმწოდებელზე დაკისრებული იქნა ხელშეკრულების მე-10 მუხლის თანახმად საჯარიმო სანქციები, შემსყიდველი ვალდებულია მიღება-ჩაბარების აქტით განსაზღვრული მიწოდებული მომსახურების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა დაუქვითოს მიმწოდებელს, რის შემდეგაც მიმწოდებელს ჩაერიცხება დარჩენილი თანხა.

8. მხარეთა ვალდებულებები და უფლებამოსილებები

8.1. შემსყიდველი ვალდებულია:

- 8.1.1. წერილობით აცნობოს მიმწოდებელს მომსახურების მიწოდებასთან დაკავშირებული ყველა განსაკუთრებული გარემოების შესახებ.
- 8.1.2. უზრუნველყოს მომსახურების ღირებულების დროული გადახდა მოცემული ხელშეკრულებით გათვალისწინებული პირობების შესაბამისად.
- 8.1.3. დაიცვას ხელშეკრულების სხვა პირობები.

8.2. შემსყიდველი უფლებამოსილია:

- 8.2.1. შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან.
- 8.2.2. შემსყიდველი უფლებამოსილია არ ჩაიბაროს მიმწოდებლის მიერ გაწეული მომსახურება და არ აანაზღაუროს კონკრეტული ღირებულება, თუ მომსახურება ან მისი ნაწილი არ შეესაბამება მოცემული ხელშეკრულებით გათვალისწინებულ პირობებს.
- 8.2.3. უარი თქვას უხარისხო მომსახურების მიღებაზე.

8.3. მიმწოდებელი ვალდებულია:

- 8.3.1. დროულად მიაწოდოს შემსყიდველს ინფორმაცია მომსახურების პროცესში შეფერხების შესახებ;
- 8.3.2. დაიცვას ხელშეკრულებით გათვალისწინებული ყველა პირობა.

8.4. მიმწოდებელი უფლებამოსილია:

- 8.4.1. მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს მაჟორული გარემოების შედეგი.

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9.4. შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნება ფორს-მაჟორული გარემოებების ზეგავლენისაგან.

10. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

10.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,1%-ის ოდენობით.

10.3. ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,1% - ის ოდენობით.

10.4. ამ მუხლის 10.3. პუნქტით გათვალისწინებულ შემთხვევაში თუ პირგასამტეხლოს ოდენობა გადააჭარბებს ხელშეკრულების ღირებულების 1%-ს ან ამ მუხლის 10.2. პუნქტით გათვალისწინებული სანქციის 2-ჯერ ან მეტჯერ გამოყენების შემთხვევაში, შემსყიდველს უფლება აქვს ცალმხრივად შეწყვიტოს ხელშეკრულება. აღნიშნული საფუძვლით ხელშეკრულების შეწყვეტის შემთხვევაში მიმწოდებელს დაერიცხება ჯარიმა ხელშეკრულების ღირებულების 10%-ის ოდენობით.

10.5. თუ შემსყიდველი არ ასრულებს წინამდებარე ხელშეკრულების მე-7 მუხლის 7.3 პუნქტის მოთხოვნებს, დაეკისრება პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

10.6. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

11. ხელშეკრულების შეწყვეტა

11.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

11.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

11.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.5. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
- მიმწოდებლის მიერ მომსახურების გაწევის ვადის 10 კალენდარულ დღეზე მეტი ვადით გადაცილების შემთხვევაში;
- თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- საქართველოს კანონმდებლობით გათვალისწინებულ სხვა შემთხვევებში.

11.6. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. ხელშეკრულებაში ცვლილებების შეტანა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. ღირებულება

13.1. მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2. ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

13.4. ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. სადავო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

14.3. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ურთიერთობა ხელშეკრულების დამდებ მხარეებს შორის

15.1. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2. ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი ბ-ნი **გიორგი სეთურიძე**, ტელეფონის ნომერი **+995597370806**, ელექტრონული ფოსტა: **ltdshxapi@gmail.com**.

ბ) შემსყიდველის შემდეგი რეკვიზიტები: საკონტაქტო პირი ქ-ნი **თამარ მაისურაძე**; ტელეფონის

ნომერი +995591571515, ელექტრონული ფოსტა: tamunamaisuradze74@gmail.com.

15.3. ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

15.4. შეტყობინება შედის ძალაში ადრესატის მიერ მისი მიღების დღეს.

16. სხვა პირობები

16.1. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16.2. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16.3. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

16.4. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

16.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17. მხარეთა იურიდიული რეკვიზიტები:

შემსყიდველი:

მიმწოდებელი:

ქალაქ თბილისის მუნიციპალიტეტის

დიდუბის რაიონის გამგეობა

ს/კოდი: 202171167

მის. ავ. ბელიაშვილის ქ. N1

სახელმწიფო ხაზინა:

ა.ა. GE24NB0330100200165022

TRESGE22

შპს „შხაპი“

ს/კოდი: 405092527

მის: თბილისი, ავ. ბაქრაძის ქ. N19

ელ.ფოსტა: ltshxapi@gmail.com

ტელ. +995597370806

სს „ლიბერთი ბანკი“

LBERTGE22

ა.ა. GE58LB0113150182466000



გიორგი სეთურიძე

ქ. თბილისის დიდუბის რაიონის გამგეობის სარგებლობაში არსებული მსუბუქი ავტომანქანების
რეცხვის მომსახურების ხარჯთაღრიცხვა

N	მარკა	ტალონების რაოდენობა(ცალი)	ა/მანქანების რაოდენობა	ერთეულის ფასი	ჯამი
1	რეცხვითი მომსახურება (ტალონები) რენაულტი	48	1	18	864
2	რეცხვითი მომსახურება (ტალონები) hiundai elantra	72	1	18	1296
3	რეცხვითი მომსახურება (ტალონები)kia pikanto	72	1	18	1296
4	რეცხვითი მომსახურება (ტალონები)kia pikanto	240	5	18	4320
5	რეცხვითი მომსახურება (ტალონები)ჰიუნდაი იონიკი	234	2	18	4212
					11988

შენიშვნა: 1. მომსახურების ხარჯთაღრიცხვის წარმოდგენილობა ან განუფასებელი მომსახურების ხარჯთაღრიცხვის წარმოდგენა დაზუსტებას არ დაექვემდებარება და გამოიწვევს პრეტენდეტის დისკვალიფიკაციას.

2. სატენდერო წინადადების ფასში პრეტენდენტმა უნდა გაითვალისწინოს მომსახურების გაწევასთან დაკავშირებული ყველა ხარჯი და გადასახადი.

Georgy Seturidze

Digitally signed by Georgy Seturidze
Date: 2024.01.06 11:14:14 +04'00'